

PROGRAMMA

Quô

UNIVERSITATIS ROSTOCHIENSIS

p. t. RECTOR

CASPAR March/

Med & Math. Pr. P.

Ad Ferias

SPIRITUI S.

Sacras

piè devoteque celebrandas

CIVES ACADEMICOS

sedulò invitat, serioq; cohortatur.



ROSTOCHII,

Typis JOHANNIS KILII, Acad. Typogr. A<sup>o</sup>. 1664.



Estum adest SPIRITUS SANCTI, inter  
cætera piis omnibus quàm maximè vene-  
randum, in quo Beneficiorum divinorum  
summum, & cæterorum omnium quasi  
complementum, gratiosissimam nempe  
Sancti hujus Numinis super non Apосто-  
los solùm, sed omnes Christi fideles effusionem, piissi-  
mâ mentis devotione recolunt Ecclesiæ Orthodoxæ.  
Ingens sanè & nullâ humanæ mentis gratitudine satis  
agnoscendum divini Amoris documentum est, quòd  
gratiosissimâ perditissimi in peccato generis humani  
commiseratione motus *Deus Pater*, Filium suum uni-  
genitum Hominem nasci, quodque is ὁμοῖος Dei filius  
acerbissimæ passionis cruciatus sustinere, ac mori pro  
salute mundi indignissimi, resurgere iterum, & devi-  
ctis hostibus humani generis, gloriose triumphans re-  
dire ad dexteram Patris, pro nobis perpetuùm inter-  
cessurus, voluerit. At frustra & sine effectum quoad nos  
fuissent, forentque isthæc omnia licet infinita benefi-  
cia, nisi imperscrutabili sanctissimæ Triadis cōsilio, pro-  
cedens à Patre & Filio S. Spiritus missus esset, influeret-  
que hodiernum, & ad mundi usque finem, per verbum  
in hominum corda, accendens in eis Fidem solùm sal-  
vificam, coërcens subinde innatas carni concupiscen-  
tias, debellans Sathanæ seductorias vires, excitans in  
nobis

58700/121





nobis salutare super commissis iniquitatibus contritiones, & gratuita adoptionis fidem in nobis constantissime confirmans. Hujus ergo *S. Spiritus* Personam, officium actusq; Sacratissimas dum fusius hisce festis diebus in Templis exaggerant fidelissimi, quibus abundè ditata est hæc civitas, Divini Verbi Præcones, nostræ quoq; in Academiâ partes sunt, ut piâ quâdam meditatione Festum hoc concelebremus, inq; eum omnino finem præsens hoc pro laudatissimo more Programma scribitur. Nec tamen admittit vel temporis concessi angustia, vel pagellarum præsentium exilitas, ut omnia & singula, quæ augustissimæ hujus materiæ amplitudo meditati animo suggerit, exactius prosequar & exprimam. Sufficiet in præsens unum vel alterum devotè delibare, ansamq; & stimulos suppeditare fusius ista salubriterq; meditandi. Et quoniam inquietissimò hoc turbulentòq; seculò de *Pace* in primis ac tranquillitate cogitant piæ mentes, adq; illam quàm maximè anhelant, fateor me sanctis hisce meditationibus animum applicantem, ex plurimis, quibus *Sancti Spiritus Numen* in Verbo Sacro insignitur nominibus, id præ cæteris arripuisse, & devotioni meæ subjecisse, doctrinæ & Solatii plenissimum, quo *Spiritus Pacis* appellatur. Agite ergo, ô mei, præibo vos piâ de *Pace* meditatione, vos, concessi vobis pariter *Pacis Spiritus* ductu, plura his & meliora fortè devotioni vestræ adjungite. *Pacem* qui dixerit, *sum-*  
*man*



*nam bonorum omnium dixerit; ast o felicissimum & beatum eum, qui Pacem possederit! Triplex verò cum dari constet Pacis Bonum, Pacem nempe cum Deo, Pacem cum & in nobismet ipsis, & Pacem cum Proximo, unumquodq; horum piè breviterq; considerabimus. Cum Deo quæ nobis intercedit Pax, duo involvit; Reconciliationem hominis cum Deo, & Acquiescentiam (sic loqui mihi liceat,) Voluntatis nostræ in Velle Divino. Utrumque bonum est prorsus inæstimabile. Miserrima quippe, & nullis etsi perpetuis lacrymis sat deplorabilis est hominis à DEO per peccata alienati conditio, secum trahens non hujus solùm vitæ infortunia, & in temporali licet, quam mundus sic æstimat, fortunâ perpetuam miserrimamque inquietudinem, sed æternos, vah æternos! æternæ damnationis cruciatus; at reconciliati & uniti cum DEO hominis quanta quæso est felicitas & beatitudo? Gratia reconciliati sibi Dei is securus, antea actorũ peccatorũ remissa penitus non timet supplicia; DEO unitus Satanæ nec insidias metuit, nec insultus etiam atrocissimos formidat, in adversitatibus vitæ cæteroquin intolerabilibus, Divinâ suffultus gratiâ, neutiquam succumbit, ad mortem, quam malorum omnium terribilissimum mundus existimat, etiamsi vel acerbissima fuerit, aut ignominiosa, tantum abest ut exhorrescat, ut lætus eam præstolerur vel exoptet etiam, ceu miseræ omnis finem, & perennis gloriæ desideratissimum inchoamentum. Acquiescens*



*quiescens porro in velle Divino hominis voluntas vahi!*  
quanta secum fert commoda, quanta solatia, quam  
ineffabilem dulcedinem! Nullæ hic animum exagi-  
tant curæ ac sollicitudines, demandati nobis officii par-  
tes læti exequimur, necessaria nobis quævis, nec quic-  
quam non salutare à Patre omnipotente & benignissi-  
mo cum *πληροφορία* jucundissimè pollicemur & præsto-  
lamur. Si quid acerbum aut adversum carni obtige-  
rit, id salutis causâ nobis accidere, & mox, etiamsi vel  
cum vita demum, transiturum, divino solamine pleni  
judicam⁹; nec datur in vitâ aut morte amaritudo ulla,  
quam Divini in nos Amoris certitudo suavissimè non  
edulcoret. Hanc tamen tum *reconciliationem cum DEO*,  
tum *Ejusdem Paterni & constantissimi amoris certitudi-*  
*nem unicè in nobis confirmat Sp. S. contestando Spiri-*  
*tui nostro, nos esse (ex gratia propter Christum) Dei fi-*  
*lios. Cæterum in & cum nobismetipsis Pacem* quod atti-  
net, tranquillitatem animi, inter Bona summum vel  
ipsi Gentilium Sapientiores agnoverunt, utrum de-  
gustaverint unquam, dubitare licet, cum destituti ve-  
ro Sanctissimoq; *Pacis Spiritu* censeantur communi-  
ter. Nostrum certè nemo diffitebitur, Hominem sibi  
relictum naturæq; & Carnis ductu gubernatum per-  
petua vel concupiscendi, vel timoris inquietudine tor-  
queri, cum nec satiabilis appetitus ulla in re acquiescat  
penitus, nec sollicitudines absint unquam, ne pereant  
facillimè, quæ curis ingentibus maximisq; cum diffi-  
cultatibus



cultatibus sunt acquisita. Ast *Spiritus Sancti* in habitatione gaudens nec concupiscentiarum indefinentes motus, nec curarum perpetuas inquietudines experitur; neq; enim deesse sibi quidquam censet, aut poterit censere, qui cum Deo possidet omnia. Quod si eam sublimioris *Animi quietem* respicimus, quã *Conscientia* moderatur, certè, uti nulla, nequidem infernalis tortura turbatæ *Conscientiæ* angore major, ita *Conscientiæ* tranquillitati nulla voluptas aut suavitas vel comparari meretur. Ast eam, nisi cui *Spiritus S.* gratiam Dei, solo Christi (humano nullatenus) meritò partam per fidem intus obsignat, polliceri sibi poterit nemo: Quam enim *mundanis immerse* animi quidam sibi fingunt *Conscientiæ integritatem*, non est ea quies, sed Lethargus, ex lethali peccatorum *πληθώρα* & pestilentissima *ναρρώσεις* dependens, ex quo nisi expergeant, mors in procinctu est, non naturalis illa, sed Spiritualis eheu! quæque æternas in cruciatibus continuis inquietudines involvit. Nec tamen hæc falsa nocentissimaq; *Conscientiæ* quies turbari in nobis aliter, quã *Spiritus Sancti* operatione potest, quod dum exequitur, non quidem Pacis Princeps, sed Belli ac crudelitatum Parens apparet; sed apparet tantum: peractò enim hóc acerbioris curationis opere, gratisima succedit quies, angores summos suavissima sequuntur gaudia. Quæ fusiùs quam vellem prosequi, nisi chartæ obstaret angustia! Restat ultimum.

Me-



Meditationis nostræ membrum de *Pace cum Proximo*. Fluit ista ex præcedente utraque Pacis specie, unde & Autorem eundem agnoscit *Spiritum S.*, & sicuti fundamentum istarum est, quod à DEO adoptati simus ex gratia in filios, ita hæc adoptionis nostræ haud facile fallax est documentum: Ita quippe os veritatis, ipse JESUS apud *Matth. c. 5. Beati Pacifici, quoniam filii Dei vocabuntur*. Etsi enim regenitis etiã Dei filiis accidere quandoque possit, ut pax illis actu non intercedat cum proximo pacem averfante: *pacem* tamen illi, *quantum in se est* (Apostolico obsecundantes monito) *colunt cum omnibus*: Est autem in illis, ut Christianâ humilitate obvient Superbiæ, patientiã vincant injurias, mansuetudine animum adversarii blandè demulceant, aut demulcere studeant, summaque curâ ac sedulitate feriã pacem quærant, honesta pacis media avidè arripiant, offensas proximo facilè & ex animo, commiserantes imbecillitati, aut cœcitati condolentes remittant & condonent. Ast ô quam rara est hæc avis in terris! Deturpant eheu! hœc nostrô in primis ævò omnes in universum hominum ordines ac societates multiplicatæ nimium invidiæ, simultates, clandestina & aperta odia, jurgia, lites, injuriæ, violentiæ, indiciò proh dolor! manifestissimò, profligatum pertinaci malitiã *Spiritum Pacis* dereliquisse plerorumque hominum corda, & intromissum huic facilè succedentem *Spiritum Vertiginis*, Caco dæmonem, cujus quotquot reguntur



reguntur instinctu, ne dicam imperiō, nec pacem sectantur, nec pacis consilia arripiunt; prætextibus tamen justitiæ, incautis haud ægrè probabilibus, vix unquam destituuntur, suggerente tales abundantissimè Gubernatore eorum, qui, cum nativâ suâ specie sit abominabilis, Angeli Lucis formam induere didicit, ut fallat etiam optimos, istâque sub specie vel ad intimiora consilia improvidè sæpius admittitur.

His technis, mei amicissimi, ne circumveniamur, vel ut jam tum circumventi ab hoc tam nocivo Suggestore quantocyus liberemur, agite *arma* arripiamus *Ecclesia, Preces & Lacrymas*: Ad *lachrymas* quidem, quas vera peccatorū agnitio & seria pœnitentia exprimat, his etenim si fide junxerimus effusum pro nobis largissimè *sanguinem Redemptoris* nostri, abluipot erit omnis illa turpitudine, quam multiplici Legis Divinæ transgressione contraximus, Deo nostro invisam & prorsus abominabilem. Sic mundi corde, sanctas ad DEUM elevabimus manus, precibus fatigaturi JESUM Propitiorem nostrum, Victorem Satanæ gloriosum, ut profligatō à nobis Cacodæmone, Eudæmonum purissimorum custodiæ saluberrimæ nos tradat, immittatque nobis Spiritum suum Sanctissimum, Spiritum *Pacis*, Spiritum *Justitiæ*, Spiritum *Veritatis*. Hunc quotquot recepturi sunt Doctorem, Ductorem, illis *Pacis* nec *consilia* unquam, nec solamina deerunt; *Pax* illis erit *cum Deo & conscientia, Pax cum hominibus, Pax in Vita, Pax in Cruce, Pax in Morte*. Veni, ō sancte Spiritus, reple tuorum corda fidelium, tuumque in illis ignem amoris accende. Amen, Amen.

P. P. sub Sigillo Recloratūs, die XXVIII Maji  
Anno M. DC. LXIV.